

Na osnovu člana 13. Statuta Fonda za profesionalnu rehabilitaciju i zapošljavanje osoba sa invaliditetom („Službene novine Federacije BiH“ br. 28/11) a u skladu sa čl. 48. stav 2., 51., 52., 53., 58. i člana 65. stav 2. Zakona o profesionalnoj rehabilitaciji, osposobljavanju i zapošljavanju lica sa invaliditetom („Službene novine Federacije BiH“, br. 9/10), te Pravilnikom o kriterijima i načinu raspodjele sredstava Fonda prema namjenama i korisnicima utvrđenim Zakonom o profesionalnoj rehabilitaciji, osposobljavanju i zapošljavanju osoba sa invaliditetom - Prečišćeni tekst broj: 01-02-2-515/12 od 18.04.2012. godine, i na prijedlog Direktora, Upravni odbor Fonda za profesionalnu rehabilitaciju i zapošljavanje osoba sa invaliditetom, na sjednici održanoj dana 06.11.2012. godine d o n i o j e

## **O D L U K U**

### **o izmjenama i dopunama Odluke o procedurama za ostvarivanje prava na novčanu nadoknadu i subvenciju neto plaće**

#### **Član 1.**

U članu 4. Odluke o procedurama za ostvarivanje prava na novčanu nadoknadu i subvenciju neto plaće br. 01-02-2-511/12 (u daljem tekstu: Odluka) u dijelu „**Zaštitna radionica**“ pod tačkom i) riječi „lica sa invaliditetom“ zamjenjuju se riječima „uposlenika u zaštitnoj radionici“.

#### **Član 2.**

Član 6. Odluke, mijenja se i glasi:

„Poslodavac može zahtjev za isplatu novčane nadoknade podnijeti po isteku obračunskog mjeseca ili tromjesječja tekuće godine tj. zahtjev se podnosi u tekućem mjesecu za prethodni ili prethodna tri mjeseca. Zahtjev se podnosi na obrascu ZNN 1 koji je sastavni dio ove Odluke a dostupan je na web stranici Fonda - [www.fprzoi.ba](http://www.fprzoi.ba)

Izuzetno zahtjev za isplatu novčane nadoknade i subvenciju neto plate koji se podnosi u periodu 01.12.2012. do 31.07.2013. može se podnijeti u tekućem mjesecu najviše za prethodnih 6 mjeseci.

Za period prije 01.12.2012 i poslije 31.07.2013. zahtjevi se podnose kako je navedeno u stavu 1. ovog člana.

Neće biti prihvaćen zahtjev koji je suprotan odredbama iz stavova 1., 2. i 3. ovog člana izuzev zahtjeva za nadoknadu poreza na dohodak samostalnog poduzetnika kojem se nadoknada poreza na dohodak vrši jednom godišnje na osnovu dokaza o uplati i godišnje prijave poreza na dohodak“.

### Član 3.

Ova odluka stupa na snagu danom donošenja.

Zadužuje se stručna služba Fonda da sačini prečišćeni tekst Odluke o procedurama za ostvarivanje prava na novčanu nadoknadu i subvenciju neto plaće.

Broj:01-05-5-1688/12  
Sarajevo, 06.11.2012. godine

PREDSJEDNIK UPRAVNOG ODBORA

mr.sc. Fehim Bekan

Dostaviti:

1. Direktor Fonda
2. Nadzornom odboru
3. Računovodstvu Fonda
4. Evidencija
5. a/a